



თამარ მალრაძე

‘ერთი ფენით ქვემოთ’

1 ივნისი - 30 ივლისი, 2023

მოხარულები ვართ დაგპატიჟოთ თამარ მალრაძის პერსონალური გამოფენის ‘ერთი ფენით ქვემოთ’ გახსნაზე.

გამოფეზე წარმოდგენილია მალრაძის ფერწერის სერიები და აკვარელის ნამუშევრები შესრულებული ქალაქში. სელექცია მოიცავს მალრაძის 2023 წლის უახლეს ნამუშევრებს და ქრონოლოგიურად მიუყვება 2000-იანი წლების დასაწყისამდე, რომლებზეც ხელოვანი საქართველოში ცხოვრებისას, თბილისის სამხატვრო აკადემიაში სწავლის დროს მუშაობდა.

‘ერთი ფენით ქვემოთ’ გამორჩეული გამოფენაა, მოიცავს რა ხელოვანის შემოქმედების განვითარების რამდენიმე ეტაპს. ტრადიციულ მედიაში მუშაობა მალრაძემ სტუდენტობისას დაიწყო, რამდენიმე წლიანი სწავლის დასრულების შემდეგ იგი ძირითადად ეკრანს-დაფუძნებული ხელოვნით იყო დაკავებული. ეკრანთან მუშაობა აირეკლება კიდევ მის უახლეს სერიაში, სადაც გამოსახულება თითქოს ეკრანზე ნანახს იმეორებს. ზეთის საღებავების თამამი მონასმებით შექმნილი პრიალა ზედაპირი და თითქოს თავისთავად მანათებელი გამოსახულება ეკრანის სიბრტყეზე და განათებას გვახსენებს. საინტერესოა, ამ გავლენებით როგორ გამოირჩევა ეს სერია მალრაძის უადრესი ფერწერული ტილოსგან. „ნატურის პორტრეტი“ (2008). ეს გამოფენაზე წარმოდგენილი პორტრეტებიდან ერთადერთია, რომელიც სინამდვილს არის დაფუძნებული და შესაბამისად, მეტი რეალიზმით გამოირჩევა. დატვრითულია მეტი ფსიქო-დრამატული ელემენტებით, რაც ზოგადად მეოცე საუკუნის ქართული ფერწერისთვის დამახასიათებელი ნიშნები იყო. ამ მხრივ, „ნატურის პორტრეტი“ მოგვაგონებს მეოცე საუკუნის ავტორებს, როგორებიც არიან ავთო ვარაზი და ქეთევან მაღალაშვილი.

მალრაძის ფერწერა არ საუბრობს რეალობაზე მისი პირდაპირი გაგებით. პირიქით, მისი პერსონაჟები უმეტესად გამოგონილია და წარმოადგენს კოლექტიური მეხსიერების პერსონიფიკაციებს. ეს ანდროგინული პერსონაჟები არ მიეკუთვნებიან კონკრეტულ დროსა და გეოგრაფიას და თითქოს რამდენიმე დროის და სივრცის შორის არიან გაჭედნილები ტილოს სიბრტყეზე. თუმცა, ეს გაჭედნილობა ზედმინევენით ეფემერულად არის გადმოცემული, თითქოს გამოკვეთილი პერსონაჟები წარმოდგენილი სივრციდან ამოიზრდებიან და სცილდებიან მას, როგორც სულების გამოძახილი. გამოფენა ტოვებს მაყურებელს გახსნილი კითხვებით.

ხელოვანის შესახებ:

თამარ მალრაძე დაიბადა 1988 წელს თბილისში. მან ჯერ თბილისის სახელმწიფო აკადემია დაამთავრა 2011 წელს, შემდეგ კი სწავლა განაგრძო ბერლინის ხელოვნების უნივერსიტეტში (UDK), ექსპერიმენტული კინოს და ახალი მედიის განხრით. 2018 წელს მან მიიღო მაგისტრის დიპლომი (MFA) და მას მერე ცხოვრობს და მუშაობს ბერლინში, გერმანია. მისი შემოქმედება ნაჩვენები ყოფილა მრავალ საერთაშორისო ჯგუფურ გამოფენაზე და ფილმის ჩვენებაზე.